

ԱՐՁԱՆԱԳՐՈՒԹՅՈՒՆ N 3

Դատական դեպարտամենտի կարիքների համար տոներների և տոներային քարտրիջների ձեռքբերման նպատակով կազմակերպված «ԴԴ-ԷԱՃԱՊՁԲ-23/06» ծածկագրով գնման ընթացակարգի գնահատող հանձնաժողովի նիստի

ք. Երևան

« 21 » փետրվարի 2023թ.  
Ժամը՝ 12:00

Մասնակցում էին՝

*հանձնաժողովի նախագահ՝*

**Արթուր Ասատրյան՝** Դատական դեպարտամենտի նյութատեխնիկական ապահովման և գնումների համակարգման վարչության պետի ժամանակավոր պաշտոնակատար

*հանձնաժողովի անդամներ՝*

**Նորայր Աղամայան՝** Դատական դեպարտամենտի նյութատեխնիկական ապահովման և գնումների համակարգման վարչության Նյութատեխնիկական ապահովման բաժնի պետի ժամանակավոր պաշտոնակատար

**Տիգրան Զեյնալյան՝** Դատական դեպարտամենտի նյութատեխնիկական ապահովման և գնումների համակարգման վարչության Նյութատեխնիկական ապահովման բաժնի գլխավոր մասնագետի ժամանակավոր պաշտոնակատար

**Անդրանիկ Աբգարյան՝** Դատական դեպարտամենտի նյութատեխնիկական ապահովման և գնումների համակարգման վարչության Նյութատեխնիկական ապահովման բաժնի առաջատար մասնագետի ժամանակավոր պաշտոնակատար

**Վարդան Կարապետյան՝** Դատական դեպարտամենտի նյութատեխնիկական ապահովման և գնումների համակարգման վարչության Նյութատեխնիկական ապահովման բաժնի ճարտարագետ-շինարար

*հանձնաժողովի քարտուղար՝*

**Արիա Հովհաննիսյան՝** Դատական դեպարտամենտի նյութատեխնիկական ապահովման և գնումների համակարգման վարչության Գնումների համակարգման բաժնի գլխավոր մասնագետի ժամանակավոր պաշտոնակատար

**1. Տվյալներ՝ բացված յուրաքանչյուր հայտում «ԴԴ-ԷԱՃԱՊՁԲ-23/06» ծածկագրով ընթացակարգի հրավերով պահանջվող փաստաթղթերի առկայության մասին**

ՊԱՏՐՈՆ ՌՄ ՍՊԸ-ի, Ստարտկոպի ՍՊԸ-ի կողմից ներկայացված հայտերում առկա են հրավերով պահանջվող փաստաթղթերը:

*Ընդունվել է որոշում. կողմ՝ 5, դեմ՝ 0:*

**2. Տվյալներ՝ առաջին տեղը զբաղեցրած մասնակիցների կողմից ներկայացրած հայտերի (հայտում առկա փաստաթղթերի, ինչպես նաև eauction.armeps.am համակարգում (այսուհետ՝ Համակարգ) մուտքագրված (լրացված) առաջարկվող ապրանքների ամբողջական նկարագրերի/՝ հրավերով սահմանված պայմաններին համապատասխան կազմված լինելու մասին.**

**2.1 ՊԱՏՐՈՆ ՌՄ ՍՊԸ-ի** կողմից ներկայացված հայտում առկա են անհամապատասխանություններ հրավերի պահանջների նկատմամբ, մասնավորապես.



- էլեկտրոնային աճուրդի գնման ընթացակարգին մասնակցելու դիմում-հայտարարության (Հավելված N 1) 1-ին պարբերությունում գնման ընթացակարգը սխալ է նշված,
- դիմում-հայտարարության 2-րդ կետի 1-ին պարբերությամբ նախատեսված՝ գնման գործընթացի շրջանակում անբարեխիղճ մրցակցության, գերիշխող դիրքի չարաշահման և հակամրցակցային համաձայնության բացակայության մասին հայտարարության մեջ բացակայում են «անբարեխիղճ մրցակցություն» բառերը,
- դիմում-հայտարարության 2-րդ կետի 3-րդ պարբերությամբ նախատեսված աղյուսակում նշված տեղեկատվությունը գնահատող հանձնաժողովի կողմից չի քննարկվել, քանի որ հրավերով հիշյալ աղյուսակի լրացման պահանջ սահմանված չէ,
- իրական շահառուների վերաբերյալ հայտարարագիրը (Հավելված N 1.2) կազմված է հրավերով սահմանված պայմաններին համապատասխան և գնահատվում է բավարար,
- 8-րդ չափաբաժնի մասով Համակարգում մուտքագրված (լրացված) առաջարկվող ապրանքի ամբողջական նկարագիրը կազմված է հրավերով սահմանված պայմաններին համապատասխան և գնահատվում է բավարար:

**2.2 Ստարտկոպի ՍՊԸ-ի կողմից ներկայացված հայտում առկա են անհամապատասխանություններ հրավերի պահանջների նկատմամբ, մասնավորապես.**

- էլեկտրոնային աճուրդի գնման ընթացակարգին մասնակցելու դիմում-հայտարարության (Հավելված N 1) մեջ կազմակերպության գործունեության հասցեն թերի է լրացված, նշված չէ նաև էլեկտրոնային փոստի հասցեն,
- դիմում-հայտարարության 1-ին կետում նշված չէ մասնակցին փոխկապակցված անձանց «ԴԴ-ԷԱՃԱՊՁԲ-23/06» ծածկագրով ընթացակարգի հրավերով սահմանված մասնակցության իրավունքի պահանջներին համապատասխանության մասին տեղեկատվությունը. անհրաժեշտ է «1) բավարարում է ընթացակարգի հրավերով սահմանված մասնակցության իրավունքի պահանջներին և պարտավորվում է ընտրված մասնակից ճանաչվելու դեպքում, ընթացակարգի հրավերով սահմանված կարգով և ժամկետում ներկայացնել որակավորման ապահովում» բառերը փոխարինել «1) Ստարտկոպի ՍՊԸ-ն և իրեն փոխկապակցված անձինք բավարարում են «ԴԴ-ԷԱՃԱՊՁԲ-23/06» ծածկագրով ընթացակարգի հրավերով սահմանված մասնակցության իրավունքի պահանջներին և Ստարտկոպի ՍՊԸ-ն պարտավորվում է ընտրված մասնակից ճանաչվելու դեպքում, ընթացակարգի հրավերով սահմանված կարգով և ժամկետում ներկայացնել որակավորման ապահովում» բառերով,
- դիմում-հայտարարության մեջ «ղեկավարի պաշտոնը, ղեկավարի անուն ազգանունը» դաշտում նշված չէ ղեկավարի պաշտոնը,
- իրական շահառուների վերաբերյալ հայտարարագրի ձև՝ Հավելված N 1.3-ը ավելորդ է և գնահատող հանձնաժողովի կողմից չի քննարկվել,
- իրական շահառուների վերաբերյալ հայտարարագիրը (Հավելված N 1.2) կազմված է հրավերով սահմանված պայմաններին համապատասխան և գնահատվում է բավարար,
- 2-րդ, 3-րդ, 4-րդ, 7-րդ, 9-րդ չափաբաժինների մասով Համակարգում մուտքագրված (լրացված) առաջարկվող ապրանքի ամբողջական նկարագրերում բացակայում է հրավերով նախատեսված՝ Վաճառողի՝ իր միջոցների հաշվին ապրանքների տեղափոխումն ու բեռնաթափումը Գնորդի պահեստ իրականացնելու և նախապես Գնորդի հետ մատակարարման կոնկրետ հասցեն համաձայնեցնելու պայմանը: Միաժամանակ 3-րդ, 4-րդ, 7-րդ, 9-րդ չափաբաժինների մասով Համակարգում մուտքագրված (լրացված) առաջարկվող ապրանքի ամբողջական նկարագրերում հրավերով նախատեսված «Ապրանքները պետք է լինեն չօգտագործված, գործարանային փաթեթավորմամբ» բառերը տվյալ չափաբաժինների տեխնիկական բնութագրերում կրկնվում են:

*Ընդունվել է որոշում. կողմ՝ 5, դեմ՝ 0:*

**Հանձնաժողովը որոշեց.**

Նիստը կասեցնել և հաջորդ նիստը հրավիրել 2023թ. փետրվարի 23-ին, ժամը 12:00-ին, Դատական դեպարտամենտի կենտրոնական մարմնի վարչական շենքում (հասցե՝ ք. Երևան, Կորյունի 15/1):

*Ընդունվել է որոշում. կողմ՝ 5, դեմ՝ 0:*

**Հանձնաժողովի քարտուղարին.**

Ղեկավարվելով ՀՀ կառավարության 2017թ. մայիսի 04-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետի, ինչպես նաև «ԴԴ-ԷԱՃԱՊՁԲ-23/06» ծածկագրով գնման ընթացակարգի հրավերի ՄԱՍ I-ի 8.11 կետի պահանջներով՝ ՊԱՏՐՈՆ ՌՄ ՍՊԸ-ի, Ստարտկոպի ՍՊԸ-ի հայտերում արձանագրված՝ հրավերի պահանջների նկատմամբ անհամապատասխանությունների մասին էլեկտրոնային եղանակով՝ Համակարգի միջոցով ծանուցել մասնակիցներին՝ առաջարկելով մինչև չույն թվականի **փետրվարի 22-ը ներառյալ** Համակարգի միջոցով շտկել արձանագրված անհամապատասխանությունները:

Ընդունվել է որոշում. կողմ՝ 5, դեմ՝ 0:

Հանձնաժողովի

Նախագահ՝



Արթուր Ասատրյան


Անդամներ՝



Նորայր Աղամալյան



Տիգրան Զենյալյան




Անդրանիկ Արգարյան



Կարպետ Կարապետյան

Քարտուղար՝



Արղա Հովհաննիսյան